

後漢書疏證

後漢書疏證卷十八

吳 沈欽韓撰

濟南國

州郡志魏平蜀徙蜀豪將家于濟河立濟岷郡安帝義  
熙中并濟南

東平陵

元和志齊州全節縣漢爲東平陵縣又亭山縣本漢平  
陵縣地宋于此置衛國縣屬頓丘郡州郡志元嘉九年  
又分青州之厯城  
割土置開皇六年改爲亭山縣隋志亭山  
舊曰衛國地形志始去  
東字又衛國縣有挺城水經注巨合水西北流至平陵

城與武原水合水出譚城南平澤中世謂之武原淵北  
逕譚城東俗謂之布城也又北逕東平陵縣故城西故  
陵城也後乃加平城東門外有樂安任照先碑濟南郡  
治石虎載記青州言濟南平陵城北石獸一夜中忽移  
在城東南善石溝上有狼狐千餘迹隨之迹皆成路季  
龍大悅曰獸者朕也自平陵城北而東南者天意將使  
朕平蕩江南之徵也魏書太平眞君七年高涼王那至  
濟南東平陵遷其民六千餘家于河北

晉書邵續傳太  
興初續遺存及

鴛屯濟南黃巾固因  
以逼曹嶷魏懼求和

著

寰宇記著城在齊州臨邑縣東南五十里地生神著草  
按州郡志尙作著地形志乃爲著後之方志又襲著字  
而附會也

於陵

通典淄州長山縣漢於陵縣縣有長白山因以爲名寰

宇記漢於陵縣故城在縣南二十五里

元和志宋武帝于此置武強縣

隋開皇十八年改武強爲長山

水經注魚子溝水南出長白山東柳泉

口山卽陳仲子夫妻之所隱也其水又逕於陵縣故城

西通鑑隆安三年南燕王德遣使說幽州刺史辟閭渾  
欲下之渾不從徙入千餘家入守廣固遣司馬崔誕戍

薄荀固平原太守張豁戍柳泉誕豁承檄皆降于德

臺

通典漢臺縣故城在今齊州全節縣北

寰宇記臺城在歷城縣北十五

里水經注巨合水南出鷄山西北北逕巨合故城西耿

弇之討張步也守巨里卽此城三面有城西有深坑坑

西卽弇所營斬費邑于此

菅

元和志齊州臨濟縣本漢菅縣開皇六年移朝陽縣理

于此

寰宇記亦誤作管又引晉地志云管叔後封于此按晉志無菅縣

水經注濟水東

逕菅縣故城南漢文帝四年封齊悼惠王子罷軍爲侯

國右納百脈水于欽曰晉史漢表皆誤爲管按南燕載次管城其地在東郡非此也魏志司馬芝傳芝爲管長以郡主簿劉節爲兵亦爲管字

土鼓

按其地當在唐齊州章邱縣東水經注百脈水出土鼓縣故城西水原方百步百泉俱出故謂之百脈水地形志土鼓縣有龍盤山元和志龍盤山在章邱縣東二十五里寰宇記百脈水在章邱縣北十步闊三丈

梁鄒

元和志淄州濟陽縣本漢梁鄒縣隋文于後漢梁鄒城置濟南縣隋大業初省濟南縣入長山景陽元年于梁鄒城置濟陽

縣通鑑元嘉二十八年青州民司馬順則聚眾號齊王  
梁鄒戍主崔勳之詣州順則乘虛襲梁州城青冀二州  
刺史蕭斌遣振武將軍劉武之等擊斬之泰始三年幽  
州刺史劉休賓守梁鄒慕容白曜將其妻子至梁鄒城  
下示之休賓欲降而兄子聞慰不可四年歷城崔道固  
面縛出降白曜遣道固子景業與劉文晔同至梁鄒休

賓亦出降

地形志宋置東平原郡治梁鄒

### 鄒平

舊唐志淄州鄒平縣漢縣北齊爲平原縣隋移治漢鄒  
平故城因改爲鄒平

寰宇記鄒平故城俗名趙臺城在縣西南十五里

按前志

誤斷鄒字爲一縣以平字連臺爲一縣顧炎武已辨其  
誤此志刊本復誤連東朝陽使覽者易惑故著之水經  
注漯水東逕鄒平縣故城北古鄒侯國

### 東朝陽

通典齊州臨濟縣漢朝陽縣寰宇記漢朝陽縣城今縣

東四十里

隋志臨濟縣開皇六年置曰朝陽

元和志隋移朝陽縣理于

此前志無東字地形志後漢曰東朝陽水經注杜預釋  
地曰濟南東朝陽縣西北有崔氏城漯水東北逕東朝  
陽縣故城南漯水又東逕漢徵君伏生墓南墓碑碣尙

存



歷城

通典齊州歷城縣漢舊縣水經注灤水出歷城縣故城

西南泉源上奮水涌若輪俗謂之爲娥姜水灤水又北

流注于濟謂之灤水也濟水又東北華不注山單椒秀

澤不連丘陵以自高山下有華泉北絕聽瀆二十里注

于濟通鑑太元十二年燕人進軍歷城郡縣壁壘多降

垂以陳留王紹爲青州刺史鎮歷城十三年紹爲平原

太守辟閻渾所逼退屯黃巾固水經注百脈水逕陽邱縣故城中城南有女郎

山山上有女郎祠其水西北出城北逕黃巾固蓋賊所

屯故固得名焉按後漢無陽邱縣故地形志當併入平

陵也元和志章邱縣理城元嘉八年檀道濟等救滑臺

卽黃巾城在濟水南岸

至厯城食盡自厯城引還軍士有亡降魏者具告之魏人追之眾恟懼將潰道濟夜唱籌量沙以所餘少米覆其上及旦魏軍見之謂道濟資糧有餘以降者爲妄而斬之時道濟兵少魏兵甚盛騎士四合道濟命軍士皆被甲已白服乘輿引兵徐出魏人以爲有伏兵不敢逼

稍稍引退道濟全軍而返

宋書垣護之傳世祖卽位復督青冀二州鎮厯城世祖以

厯下要害欲移青州并鎮厯城議者多異護之曰青州北有河濟又多陂澤非虜所向每來寇掠必由厯城二州并鎮此經遠之略也北又近河歸順者易近息民患遠申王威安邊之上計由是遂定按州郡志孝武孝建二年移治大明魏書慕容白曜傳白曜自瑕丘進攻厯八年還治東陽城冀州刺史崔道固固守不降白曜築長圍以攻之二

年道固及梁鄒守將劉休賓並面縛而降乃徙二城民  
望于下館

平原郡

按章八王傳和帝子平原王勝安帝時國除桓帝又紹  
封至建安十一年國除蜀志先主領平原相考其始末  
似不得竟謂之州郡志魏屬冀州晉志漢置樂陵郡州  
郡志云晉武帝分平原立攷魏志韓暨傳遷樂陵太守  
則作漢置爲是

平原

通典滄州平原縣漢舊縣水經注商河又北逕平原縣

東大河又北逕張公城臨側河湄北逕平原縣故城東  
大河右溢世謂之甘棗溝又屯氏別河南濱自平原東  
絕大河故瀆又逕平原縣故城北枝津右出東北至德  
安縣界東會商河晉書邵續傳續遣兄子武邑內史地  
志晉武帝遣存與文鴛率匹磾就食平原爲石季龍所破續  
先與曹疑亟相侵掠疑因存等敗乃破屯田又掠其戶  
口續首尾相救疲于奔命魏志袁譚傳譚乃拔平原并  
南皮自屯龍湊通鑑初平三  
年公孫瓚復遣兵擊袁  
紹至龍當在平原界

### 高唐

通典博州高唐縣漢舊縣又故城在齊州禹城縣西蜀

志先主爲高唐尉遷爲令

華歆傳高唐爲齊名都衣冠無不遊行市里

通鑑

太元二十一年燕征東將軍平規反于魯口垂自將擊規規奔眾將妻子及平喜等數十人走渡河收合餘黨據高唐燕主寶遣高陽王隆將兵討之東土之民素懷隆惠迎候者屬路隆進軍臨河規奔高唐走追斬規于濟北平喜奔彭城

般

寰宇記漢般縣故城在今德州德平縣東北二十五里

唐爲平昌

水經注屯氏別河南瀆故渠派東入般縣爲般河

蓋亦九河之一道公孫瓚破黃巾于般河卽此瀆也又

東爲白鹿淵水應劭曰般縣東南六十里有劫鄉城故縣也通鑑初平二年公孫瓚出軍屯河上書數紹罪惡進兵攻紹

鬲

通典漢鬲縣故城在德州安德縣西北

寰宇記高齊天保七年併入安

德

水經注大河故瀆北絕屯氏之瀆西流逕鬲縣故城

西三齊略記曰鬲城東南有蒲臺秦始皇東遊海上于臺上蟠蒲繫馬至今每歲蒲生繁委若有繫狀如水楊可以爲箭

祝阿

通典齊州禹城縣漢祝阿縣天寶初改

元和志祝阿故城在齊州豐齊

縣東北二里

水經注至水西北逕獵山東又西北枕祝阿縣

故城東野井亭西建武五年耿弇東擊張步從朝陽橋濟渡兵卽是處也通鑑太元十三年安次人齊涉聚眾八千據新柵降燕燕主垂拜涉魏郡太守旣而復叛連兵張願願自率萬餘人進屯祝阿之益口招翟遼共應涉高陽王隆言于垂曰新柵堅固攻之未易猝拔若久頓兵于其下張願擁帥治民西引丁零爲患方深願父子恃其驍勇必不肯避去可一戰擒也願破則涉不能自存矣垂從之遣范陽王德陳留王紹帥步騎二萬會

隆擊願軍至斗城去登口二十里地形志司馬氏置太原縣治升城慕容白曜傳東平太守申纂屯無鹽并州刺史房崇吉屯升城遇絕王使房法壽傳從弟崇吉在升城爲慕容白曜所破通鑑泰始三年皆作升城惟此處與李延壽北史誤爲斗城解鞍頓息願引兵奄至燕人驚遽德兵退走隆勒兵不動願子龜出衝陣隆遣左右王末逆擊斬之

### 樂陵

通典滄州樂陵縣漢舊縣故城在今縣東寰宇記縣東五十里通

鑑永嘉元年乞活田甄田蘭薄盛等起兵爲新蔡王騰

報仇斬汲桑于樂陵

宋白曰隸州陽信縣魏屬樂陵國晉斬汲桑于此

石勒載

記勒襲邵續于樂陵續盡眾逆戰大敗而還

地形志魏初置義興



郡晉太和中罷按晉志  
並無此文疑衍一晉字

### 濕陰

通典漢濕陰故城在齊州臨邑縣西

寰宇記廢城在縣西十里宋武帝平

廣固遂移理于今臨邑縣西北五十里北濕陰城地形志東魏郡臨邑縣有刀環水濕陰城

水經注

濕水又東北逕濕陰縣故城北縣故犁邑歷北濕陰城

南伏琛謂之濕陽城南有魏沈州刺史劉岱碑應劭曰

濕陰縣東南五十里有阿陽鄉故縣也通鑑建安八年

袁譚將劉詢起兵濕陰以叛譚諸城皆應之譚歎曰今

舉州皆叛豈孤之不德耶王修曰東萊太守管統雖在

海表此人不反必來後十餘日統果奔其妻子來赴譚

妻子爲賊所殺譚以統爲樂安太守

安德

元和志德州安德縣本漢舊縣鹿角故關縣東南七十

五里水經注河水自平原左逕安德城東而北爲鹿角

津

地形志魏太和中置安德郡舊唐志安德縣今德州治至隋不改按隋志刊本誤爲安樂

厭次

通典棣州厭次縣漢舊縣水經注縣西有東方朔墓冢

側有祠水側有雲城漢武帝元封四年封齊孝王子劉

信爲侯國河水至厭次縣故城南爲厭次河

寰宇記厭次曹魏屬

樂陵國元和志相傳以秦始皇東遊厭氣至碣石次舍于此因名之晉書邵續傳王浚假

續綏集將軍樂陵太守屯厭次通鑑太興二年段磾奔  
妻子奔樂陵依邵續二年謂續曰吾本夷狄以慕義破  
家君不忘久要請相與其擊末桎續許之匹磾與弟文  
鴛攻薊石勒知續勢孤遣中山公虎將兵圍厭次孔萇  
攻續別營十一皆下之續自出擊虎虎伏騎斷其後遂  
執續使降其城續呼兄子竺等謂曰吾志欲報國不幸  
至此汝等努力奉匹磾爲主勿有二心匹磾自薊還至  
厭次聞續已沒眾懼而散復爲虎所遮文鴛以親兵數  
百力戰始得入城四年石虎攻幽州刺史段匹磾于厭  
次孔萇攻其統內諸城悉拔之文鴛言于匹磾曰我以

勇聞故爲民所倚望今視民被掠而不救是怯也民失  
所望誰復爲我致死遂帥壯士數十騎出戰殺後趙兵  
甚戰馬乏伏不能起遂下馬苦戰槊折執刀戰不已自  
辰至申後趙兵四面解馬羅披自鄣前執文鴛匹礮欲  
單騎歸朝續弟泊勒兵不聽與兄子緝竺等出降

地形志厥

次有鄧續城

### 西平昌

補元和志德州平昌縣本舊縣後漢屬平原國州郡志

平昌縣後漢晉太康地志曰西平昌

地形志說同

寰宇記漢

平昌縣故城在今德州德平縣西南三十里後漢改爲

西平昌後魏永熙二年除西字光武十王傳有西平昌  
侯昱錢大昕曰續志樂安國下云高帝西平昌置爲千  
乘宦者傳彭愷爲西平昌侯注云西平昌在平原郡此  
因樂安與平原文相次遂錯入注中當改作大字移于  
平原郡縣之末漢魯峻碑陰有門生西平昌王端子行  
可知後漢漢縣未嘗省

### 樂安國

漢末樂安國爲郡魏志何夔傳拜樂安太守州郡志何  
承天云魏立潔沃縣當是魏復立也太康地志屬樂陵  
舊唐志棣州蒲臺縣漢潔沃縣

臨濟

按當在唐淄州高苑縣西寰宇記臨濟在今高苑縣界如狄故城是也宋于今縣治西二里如狄故城置長樂縣如字水經注應劭曰臨濟縣西北五十里有建信城

琴操以爲孔子臨狄水而歌曰狄水衍兮風揚波船楫顛倒更相加按臨濟故如狄也是濟所逕得其通稱安帝永初二年改從今名地理風俗記曰樂安太守治晏謨齊記曰有南北二城隔濟水南城卽被陽縣之故城也北枕濟水今渤海僑郡治地形志劉駿置勃海郡故臨淄地

千乘

通典青州千乘縣漢舊縣有鹽官

元和志千乘者以景公有馬千駟今縣北

有青邱因以爲名

水經注漯水又東北逕千乘縣二城間伏琛

曰千乘城在齊城西北有五十里又東北爲馬常坑坑東西八十里南北三十里河海之饒茲焉爲最按南燕載記慕容德立治于商山置鹽官于烏常澤烏常是馬常之訛也

隋志齊郡高苑縣後齊曰長樂

### 高苑

通典淄州高苑縣漢舊縣千乘國故城在今縣北又有被陽縣故城在西南寰宇記高苑縣故城在淄川長山縣北二十四里

元和志縣于此置長樂縣屬勃海郡

水經注時水西

高苑城中而西注漢文帝十五年分齊爲膠西王都高苑徐廣曰樂安有高苑城故俗謂之東高苑晉書裴秀傳秀封濟川侯地方六十里邑千四百戶以高苑縣濟川墟爲侯國

### 樂安

通典漢樂安國故城在今青州博昌縣南水經注濟水又東北逕樂安縣故城南伏琛齊記曰博昌城西北五十五里有南北二城相去三十里隔時濟二水指此爲博昌北城非也樂安與博昌薄姑分水俱同西北薄姑去齊城六十里樂安越水差遠驗非尤明通鑑建安十



後漢書地理志卷十一  
三  
年袁譚使王修運糧于樂安聞譚急將所領兵往赴之  
至高密聞譚死下馬哭號曰無君焉歸遂詣曹操乞收  
葬譚尸操許之復使修還樂安督軍糧譚所部諸城皆  
服惟樂安太守管統不下操命修取統首修以統亡國  
忠解其縛使詣操操悅而赦之

### 博昌

通典青州博昌縣漢舊縣水經注澠水西逕樂安博昌  
縣故城南澠水西歷貝邱京相璠曰貝丘在齊城西北  
四十里濟水又東逕爲淵渚謂之平州潔沃縣側有平  
安故城俗謂之會城非也

隋志開皇八年  
改會城爲高苑

應劭曰博昌

縣西南三十里有平安亭故縣東北八十里有琅槐鄉  
故縣也

### 蓼城

未詳所在晉書高密傳王略傳永興初愷令劉根起兵  
攻略于臨淄略不能拒走保聊城按略爲青州刺史不  
應遠走東郡之聊城當是此蓼城也劉昭引杜預曰縣  
竟以聊城爲此蓼城昭之謬類  
如此晉志樂安國有蓼城侯國

### 利

水經注晏謨曰縣在齊城北五十里濟水東北至甲下  
邑南東歷琅槐縣故城北又東北河水枝津注之枝津

東逕甲下城南東南歷馬常坑注濟

益

舊唐志青州益都縣漢縣今壽光縣南十里故益都城

是

都字似衍

元和志魏置益都屬齊國

地形志云益都魏置不知樂安本有益縣

水經注巨洋水又東北逕益縣故城東晏謨曰南去齊城五十里司馬宣王伐公孫淵北徙豐人住于此城遂改名爲南豐城又東北積而爲潭枝津出焉謂之百尺溝西北流逕北益都城漢武帝元朔二年封淄州懿王子胡爲侯國

壽光

通典青州壽光縣 漢舊縣水經注城之西南水東有孔子石室故廟堂也 中有孔子像弟子問經

元和志開皇六年于縣北

一里博昌故城置壽光縣

### 北海國

地形志魏文帝置平昌郡後廢晉惠帝復州郡志平昌郡故屬城陽魏文帝分城陽立後省晉志青州有城陽郡自魏至晉分北海立按城陽後漢省并琅邪其朱虛平昌二縣則入北海既立城陽復分北海縣以益之耳晉志謂專分北海者非隸釋北海相景君碑銘云據北海相部城十九彪志僅十八城按前志北海有平望縣

而范書有平望侯劉毅疑平望爲十九城之數也

水經注伏

琛晏謨以爲平望亭在平壽縣故城西八十里

劇

通典漢劇縣故城在青州壽光縣南水經注巨洋水東

北逕劇縣故城西漢文帝十八年別爲菑川國後并入

北海

按前志北海有劇縣有劇魁縣菑川又有劇縣章懷云劇縣在今青州壽光縣南寰宇記劇南城故

紀國在青州壽光縣又廢劇縣在濰州昌樂縣西五十

五里趙一清曰北海之劇在昌樂縣西北後漢此劇廢省而移北海郡治菑川之劇也

營陵

按舊唐志唐省營丘下密二縣入北海當在青州北海

縣界也地形志有營陵縣隋爲營丘縣

新唐志長安中令竇瑊于故營

丘城東北穿渠引白狼水曲折三十里以溉田號竇公渠

水經注營陵城南無水惟

城北有一水世謂之白狼水西出丹山魏志王修北海

營陵人年七歲喪母母以社日亡來歲隣里社修感念

母哀甚隣里聞之爲之罷社

寰宇記營陵城南四十里有慈阜魏奉常王修葬母

于此俗以叔治之孝故此邱以慈表稱

## 平壽

通典青州北海縣漢平壽縣後漢北海國在此水經注

東丹水出方山漪水亦出方山流入平壽縣積而爲渚

北入丹水謂之魚合口丹水又東北逕望海臺東平壽

故城在白狼水西水承營陵縣之下流東北逕城東西  
入別畫湖亦曰朕懷湖湖東西二十里南北三十里東  
北入海

### 都昌

通典漢都昌縣故城在青州臨朐縣東北吳志太史慈  
傳北海相孔融以黃巾寇暴出屯都昌爲賊管亥所圍  
融欲告急平原相劉備城中人無由得出慈自請求行  
融曰今賊圍甚密眾人皆言不可卿雖壯無乃實難乎  
慈對曰昔府君傾意于老母老母感遇遣慈赴府君之  
急固以慈有可取而來必有益也今眾人言不可慈亦

言不可豈府君愛顧之義老母遺慈之意耶於是嚴行  
蓐食須明便帶鞬攝弓上馬將兩騎自隨各作一的持  
之開門直出外圍下左右人並驚駭兵馬互出慈引馬  
至城下塹內植所持的射之畢徑入門明晨復如此圍  
下人或起或臥慈復植的射之畢復入門明晨復出如  
此無復起者於是下鞭馬直突圍中馳去比賊覺知慈  
行已過又射殺數人皆應弦而倒故無敢追者

### 安丘

通典密州安丘縣漢舊縣

隋志大業初改牟山縣曰安丘寰宇記漢安丘縣城在縣

西南二十里舊唐志乾元二年刺史殷仲卿奏請治于故昌安城因改爲輔唐末仍爲安丘

水經注



汝水又東逕安丘縣故城北城對牢山之西南有孫賓碩兄弟墓碑誌並在也宋書沈文秀傳虜青州刺史王隆顯于安丘縣爲軍主高崇仁所破

濇于

通典古濇于城在今密州安丘縣東北水經注地理風俗記曰濇于縣東南五十里有膠陽亭故縣也濇水又北左會汶水北逕平城亭西又東北逕密鄉亭西應劭曰濇于縣東北六十里有平城亭又四十里有密鄉亭皆故縣魏志樂進傳太祖征管承軍濇于遣進李典擊之承破走逃入海島

平昌

通典漢故平昌縣城在縣南

寰宇記縣南六十里

水經注地理風

俗記曰平昌縣東南四十里有石泉亭故縣也濰水又北逕平昌縣故城東荆水注之水出縣南荆山阜城之東南角有臺臺下有井與荆水通物墜于井則取之荆水昔常有龍出入于其中故世亦謂之龍臺城宋書蕭思話傳檀道濟回師青州刺史思話懼虜大至乃奔鎮奔平昌虜定不至而東陽積聚已爲百姓所焚由是徵詣廷尉

朱虛

寰宇記漢朱虛縣故城在今青州臨朐縣東六十里水經注朱虛城西有長坂遠峻名爲破車峴城東北二十里有丹山世謂之凡山元和志破車峴在臨朐縣東南三十五里峴高七十丈周迴二十里道徑險惡因名

### 東安平

按故縣當在臨淄縣西南地形志始去東字

隋志東安平西安並

後齊廢

水經注女水出東安平縣之菟頭山

劉昭注誤爲菟頭從

征記曰水西有桓公冢

元和志齊桓公墓在臨淄縣南鼎足山上二十三里

甚高

大冢東山下女水原有桓公祠侍其衡奏魏武王所立曰近日路次齊郊瞻望桓公墳壘在南山之阿請爲立

祀爲塊然之主女水導川東北流甚有神焉化隆則水生政薄則津竭燕建平六年水忽暴竭玄明惡之寢病而亡燕太上四年女水又竭慕容超惡之燕祚遂淪通鑑義熙四年南燕汝水竭河凍皆合而澠水不冰南燕主超惡之問於李宣對曰澠水無冰良由暹帶京城近日月也超大悅

### 高密

舊唐志密州高密縣漢縣隋末廢武德三年于義城堡置高密縣六年併高密膠西兩縣移就故夷安城之舊高密縣也仍廢膠西縣隋志後齊廢淳于縣入高密水經注桑犢亭故高密郡治按此則後漢省桑犢縣入高密今世所謂百

尺水者蓋密水也水有二源西源出奔山亦曰鄆白山  
山勢高峻隔絕陽曦東源出五弩山同瀉一壑俗謂之  
百尺水古人塲以溉田數十頃下注濰水韓信斬龍且  
于是水水西有厲阜阜上有鄭康成冢石碑猶存寰宇記鄭  
玄初葬于劇東後以墓壞歸葬礪阜在高密城西  
北五十里唐貞觀十一年詔去墓四十步禁樵採

### 昌安

通典古昌安故城卽今密州安邱縣外城隋志大業初  
省昌安入安邱

### 夷安

通典故夷安故城則今密州高密縣外城夷澤灌田萬

頃水經注張奴水發夷安縣東南阜下西北流歷膠陽縣注于膠膠水之左爲澤渚東北百許里謂之夷安潭潭周四十里亦濰水枝津之所注也

### 膠東

元和志萊州膠水縣本漢膠東縣地仁壽元年改爲膠

水隋志膠水舊曰長廣舊唐志隋置縣于古光州因改名水經注今長廣郡治地

志長廣郡治膠東城伏琛彛謨言膠水東北迴達于膠東城北百

里流注于海魏志王修傳守膠東令膠東人公沙盧宗強自爲營塹不肯應發調修獨將數騎徑入其門斬盧兄弟公沙氏驚愕莫敢動修撫慰其餘由是寇少止

卽墨

通典萊州卽墨縣漢舊縣元和志卽墨故城在膠水縣東南六十里大勞山小勞山在縣東南三十八里晏謨齊記曰太白自言高不如東海勞昔鄭康成領徒于此

隋志縣有田橫島寰宇記在縣東北百里四面環海

壯武

元和志壯武縣故城在卽墨縣西晉封張華爲壯武侯

寰宇記

至宋省

下密

寰宇記廢下密縣在濰州西二里隋志青州北海縣舊

曰下密水經注濼水又東北逕下密縣故城西城東有  
密阜蜀志都尉毋丘毅詣丹陽募兵先主與俱行至下  
邳遇賊力戰有功除爲下密丞

拒

寰宇記漢故拒縣城在今高密縣西南二十里有拒艾

水城因名又挺城在萊州萊陽縣西北

萊陽唐爲昌陽後唐同光中改

水經注拒艾水出黔陬縣西南拒艾山卽齊記所謂黔

艾山也東北流逕拒縣故城西按前志膠東國下作挺

師古音徒鼎反晉志長廣郡亦爲挺地形志挺前漢屬

膠東後漢屬北海

州郡志同

然則此拒字蓋挺字之訛彪志



酈注皆誤琅邪之拒縣不在此處

地形志提縣有樂毅城

觀陽

隋志觀陽縣後周廢開皇十六年復按新唐志唐省入

登州牟平縣

地形志東牟郡觀陽縣有馬賓山牛馬山

東萊郡

晉志分立長廣郡沈魏二志皆言晉武帝置非也魏志何夔傳太祖辟爲司空掾遷長廣太守當在漢建安中又夔上言所領六縣疆域初定地形志長廣郡領昌陽長廣不其挺卽墨當利六縣

黃

舊唐志登州黃縣漢舊縣神龍元年改爲蓬萊縣登州

治先天元年又割蓬萊置黃縣元和志故黃城在縣東

南二十五里

古萊子之國大人故城在縣北二十里司馬宣王伐遼東造此城運糧船從此入今

新羅百濟往還常由于此

牟平

通典登州牟平縣漢舊縣

寰宇記漢牟平縣故城在蓬萊縣東南九十里元和

志縣居牟山之陽其地平坦故曰牟平麟德二年析文

登縣重置又文登縣本漢牟平縣高齊分牟平縣置縣

界文登山爲名之朶山在縣西北一百九十里成山在

縣東北一百八十里

寰宇記育犁睡二縣後漢省入牟平

魏志田豫傳吳

越遣使與遼東公孫淵相結豫度賊船垂還歲晚風急  
必畏漂浪當赴成山成山無藏船之處輒以兵屯聚成  
山諸將皆笑于空地待賊賊還果遇惡風波蕩著岸無  
所逃竄盡虜其眾

愷

寰宇記漢愷縣故城在今登州黃縣西南二十五里高  
齊天保七年省入黃縣晉書惠帝光熙元年愷令劉伯  
根反自稱愷公王浚遣將討伯根斬之劉昭注引劉寵  
事文句有脫誤  
寰宇記蹲狗山在黃縣西南二十五里伏氏記云  
山極靈劉寵徵時途由此石犬吠之後爲太尉

曲成

寰宇記漢曲成縣故城在今萊州掖縣東北六十里地形  
志曰西曲城隋志後齊併曲成當利二縣入掖魏志王基東萊曲成人

掖

通典萊州掖縣漢舊縣掖水名有三山封禪書云祠三

山爲陰主有萬里沙

元和志在縣東北三十里漢武帝所禱

晉書蘇峻傳

永嘉之亂峻糾合得數千家結壘于擁縣于時豪桀所  
在屯聚而峻最强遣長沙徐瑋宣檄諸屯示以王化遂  
射獵于海邊青山中元帝聞之假峻安集將軍時曹嶷  
領青州刺史表峻爲掖令辭疾不受疑惡其得眾心恐  
爲患將討之峻懼率所部數百家汎海南渡

當利

寰宇記漢當利縣故城在今掖縣西南三十六里陽樂陽石二縣後漢省併當利十三州志云陽樂縣在當利縣東北二十里

東牟

元和志漢東牟故城在文登縣西北一百十里

地形志牟平縣

有東牟城魏志何夔傳東牟人王營眾三千餘家脅昌陽縣

爲亂夔遣吏王欽等授以計略使離散之旬月皆平定

昌陽

通典萊州昌陽縣漢舊縣有豨養澤

元和志黃銀坑在縣東百四十開皇

十八年牟州刺史牟公義于此坑冶鑄得黃銀  
獻之按見隋書循吏傳牟州北史訛爲并州  
寰宇記

晉無昌陽縣按此前昌陽理在文登縣西南三十里昌  
陽故城是也顧野王曰晉惠帝元康八年復立昌陽縣  
屬長廣郡今理是也不夜縣故城後漢省併昌陽在文  
登縣東北八十里

盧鄉

新唐志萊州昌陽縣貞觀元年省盧鄉縣入  
隋志挺城廢入盧鄉

寰宇記今昌陽縣兼有漢長廣挺縣觀陽盧鄉四縣地  
長廣

寰宇記長廣縣故城在萊州萊陽縣東五十里魏志何

夔傳長廣人管承徒眾三千餘家爲寇害議者欲舉兵  
攻之夔曰承等非生而樂亂也習于亂不能自還未被  
德教故不知反善令兵迫之急彼恐夷滅必并力戰攻  
之既未易拔雖勝必傷吏民不如徐喻以恩德使容自  
悔可不煩兵而定乃遣郡丞黃珍往爲陳成敗承等皆  
請服晉書王彌傳彌爲劉伯根長史伯根死聚徒海清  
爲苟純所破入長廣山爲羣盜青土號爲飛豹

黔陬

通典漢黔陬縣故城在齊州諸城縣東北水經注膠水  
北逕黔陬故城西晏謨伏琛並云縣有東西二城相去

四十里

寰宇記今州東北百十里東陬故城是也後移縣于膠水西去故城三十里時人謂之東西二

城齊天保七年省

通鑑泰始三年沈文秀攻青州刺史明僧暲

帝使劉懷珍率龍驤將軍王廣之浮海救之進至黔陬

文秀所署高密平昌二郡太守弃城走

按彪志于此下有葛盧二字蓋

承上介亭而言傳寫脫故國二字因以爲縣遂改首叙十二城爲十三城攷前後諸志俱無葛盧爲縣事知其

誤也

不期當爲其

通典漢不其縣故城在今萊州卽墨縣西

寰宇記縣西南三十七里

隋志開皇十六年不其縣廢入卽墨

魏志崔琰傳年二十九結公孫方等

就鄭玄學徐州黃巾賊攻破北海玄與門人到不其山



避難時穀糴縣乏立罷謝諸生通鑑泰始三年帝遣沈  
文秀弟文炳以詔書諭文秀文秀猶不降所署長廣太  
守劉桃根將數千人戍不其城劉懷珍軍于泮水眾謂  
宜且堅壁伺隙懷珍曰今眾少糧竭懸軍深入正當以  
精兵掩其不備乃遣王廣之將百騎襲不其城拔之文  
秀聞諸城皆敗乃請降宋書沈文秀傳虜圍青州積久  
太宗所遣救兵並不敢進乃以文秀弟文靜爲輔國將  
軍海道救青州文靜至東萊之不其城爲虜所斷遏不  
得進因保城自守四年不其城爲虜所陷文靜見殺

齊國

魏志青龍三年立皇子芳爲齊王此時當仍爲齊國又景初三年以遼東東沓縣吏民渡海居齊郡界以故縱城爲新沓縣正始元年以遼東汶北豐縣民徙渡海規齊郡之西安臨菑昌國縣界爲新汶南豐縣以居流民按州郡志魏以漢北海之東安平縣度屬齊又立益都

縣縱城按耿弇傳作鍾城陳壽志應誤

### 臨菑

通典青州臨淄縣漢舊縣水經注淄水東逕臨淄縣故城南東得天齊水口水出南郊山下謂之天齊淵五泉並出南北三百步廣十步山卽牛山也澶水出時水東

去臨菑縣十八里所謂澧中也俗以澧水爲宿留水孟子去齊三宿出澧故世以此而變水名系水出齊城西南世謂之寒泉東北流直申門西爲申池傍城北流逕陽門西水次有故封處所謂齊之稷下通鑑建興三年漢青州刺史曹嶷盡得齊魯間郡縣自鎮臨菑有眾十餘萬臨河置戍石勒表稱嶷有專據東方之志請討之漢主聰恐勒滅嶷不可得制弗許太元十九年燕遼西王農敗辟閭渾于龍水遂入臨淄水經注歷逢山陰東注巨洋謂之石溝口亦謂之龍泉水南燕載記德如齊城登營丘以青州秀才晏謨從至漢城陽景王廟譙庶老于申池北登社首山東望

鼎足

齊桓公葬處

因目牛山而歎曰古無不死槍然有終焉

之志遂問謨以齊之山川丘陵賢哲舊事謨歷對詳辨畫地成圖德深嘉之拜尚書郎

西安

章懷注西安縣故城在今青州臨淄縣西北隋志西安

後齊廢入臨淄

據耿弇傳西安去臨淄四十里

地形志西安縣有蓬山

元和志隋開皇六年改臨胸爲逢山縣取縣西逢山爲名則西安廢入臨淄臨胸

水經注逢山

在廣固南三十里有祠并石鼓齊地將亂石人輒打石

鼓聲聞數十里時水北逕西安縣故城南齊大夫雍廩

之邑時水又西至石洋堰分爲二水謂之石洋口西北

至梁鄒入濟

昌國

張守節正義故昌國城在淄州淄川縣東北四十里隋

志臨朐縣舊曰昌國

按此則昌國併入臨朐

臨朐

元和志青州臨朐縣本漢縣水經注薰冶泉水東北流入巨洋逕臨朐縣故城東其城側臨朐川城上下沿水悉是劉武皇北伐廣固營壘所在通鑑義熙五年劉裕伐南燕或謂裕曰燕人若塞大峴之險堅壁清夜大軍深入不惟無功將不能自歸奈何裕曰吾慮之熟矣鮮

卑貪婪不知遠計進利虜獲退惜禾苗謂我孤軍遠入不能持久不過進據臨胸退守廣固必不能守險清野敢爲諸君保之南燕主超聞有晉師引羣臣會議征虜將軍公孫五樓曰吳兵輕果利在速戰不可爭鋒宜據大峴使不得入曠日延時沮其銳計然後徐簡精騎二千循海而南絕其糧道別敕段暉帥兗州之眾緣山東下兗州鎮梁父縣腹背擊之此上策也各命守軍依險自固校其資儲之外仍悉焚蕩芟除禾苗使敵無所資彼僑軍無食求戰不得旬月之間可以坐制此中策也縱賊入峴出城逆戰此下策也超曰不如縱使入峴以精騎蹂

之何憂不克廣靈王賀賴盧苦諫不從退謂五樓曰必

若此亡無日矣劉裕過大峴燕兵不出

燕主超之計與姜維欲引敵歟

圍入漢梁二城者絕相類

裕舉手指天喜形于色曰虜入吾掌中矣

超先遣賀賴盧及左將軍段暉等將步騎五萬屯臨朐

聞晉兵入峴自將步騎四萬往就之使五樓帥騎進據

巨蔑水

卽巨洋水自朱虛北入臨朐

前鋒孟龍符與戰破之五樓退

走裕以車四千乘爲左右翼與燕兵戰于臨朐南向

辰勝負未決參軍胡藩曰燕悉兵出戰臨朐城中留守

必寡願以奇兵從間道取其城此韓信所以破趙也裕

遣藩及檀韶向彌潛師出燕兵之後攻臨朐聲言輕兵

自海道至矣向彌擐甲先登遂克之超大驚單騎就段  
暉于城南裕因縱兵奮擊燕眾大敗斬段暉等超遁還  
廣固宋書孟龍符傳高祖伐廣固統步騎爲前鋒運達  
臨胸與賊爭水龍符單騎衝突應手破散卽據水  
原乘勝奔逐後騎不及賊數千騎圍繞之攻之龍符奮  
稍接每一台輒殺數人取寡不敵遂見害按魏才雍亦  
欲于大峴要檀道濟而叔孫建不從

廣

寰宇記青州益都縣本漢廣縣地北齊天保七年縣移  
理于郡城之北門外水經注濁水出廣縣爲山世謂之  
冶嶺山東北流逕廣固城西城在廣縣西北四里四周  
絕澗阻水深隍晉永嘉中東萊人曹嶷所造也水側山



際有五龍口石勒載記遺石季龍統中外步騎四萬討曹嶷先是嶷議欲徙海中保根余山會疾疫甚計未及就季龍進兵圍廣固曹嶷降送于襄國勒害之季龍將盡殺嶷眾其青州刺史劉徵曰今留徵使牧人也無人焉牧徵將歸耳季龍乃留男女七百日配徵鎮廣固通鑑永和六年段蘭卒于令支段龕代領其眾因石氏之亂擁部落南徙引兵東據廣固自稱齊王十一年與燕主雋書抗中表之儀非其稱帝雋怒以太原王恪爲大都督撫軍將軍陽鶩副之以擊龕謂恪曰若龕遣軍拒河不得渡者可直取呂護而還恪分遣輕軍先至河上

以覘龔龔弟巖饒勇有智謀言于龔曰慕容恪善用兵加之眾盛若聽其濟河進至城下恐雖乞降不可得也請兄固守巖帥精銳拒之于河幸而戰捷兄帥大眾繼之龔不從十二年恪引兵濟河未至廣固百餘里龔帥眾五萬逆戰大破龔于淄水龔走還城固守進軍圍之諸將請急攻之恪曰用兵之勢有宜緩者有宜急者不可不察若彼我勢敵外有強援恐有腹背之患則攻之不可不急若我強彼弱無援于外力足制之者當羈縻守之以待其斃兵法十圍五攻正謂此龔兵尚眾未有離心今憑阻堅城上下戮力我盡銳攻之計數日可拔

然殺吾士卒必多矣自有事中原兵不暫息吾每念之夜而忘寐奈何輕用其死乎諸將皆曰非所及也軍中聞之人人感悅于是高墻深塹以守之齊人爭運糧以餽燕軍龕樵採路絕城中人相食龕悉眾出戰恪破之于圍裏先分騎屯諸門龕身自衝盪僅而得入餘兵皆沒于是城中氣阻莫有固志龕面縛出降南燕載記劉裕圍廣固賀賴盧公孫五樓爲地道出戰王師不利河間人左文說裕曰昔趙攻曹疑望氣者以爲繩水帶城非可卒拔水經注時人通謂濁水爲泲水亦通名之爲繩水若塞五城口城必自陷季石季龍從之而疑請降後慕容恪圍段龕亦如

之龜降後無幾又震開之今舊基猶在可塞之裕從其  
言至是城中男女悉患腳弱病者大半城中出降者相  
繼悅壽遂開門以納王師水經注濁水又東北流逕東  
陽城北東北流合長河水水出逢山北阜世謂之陽水  
東逕東陽城南東義熙中晉刺史史羊穆之築此以在  
水之陽卽謂之東陽城世以濁水爲西陽水故也通  
鑑景平元年青州刺史竺夔鎮東陽城魏叔孫建入臨  
淄所向城邑皆潰將三萬騎逼東陽城城中文武纔一  
千五百人夔與濟南太守垣苗悉力固守時出奇兵擊  
魏破之魏步騎繞城列陣十餘里大治攻具夔作四重

塹魏人填其三重爲橦車以攻城夔遣人從地道中出

以大麻絙挽之令折魏人復作長圍進攻逾急歷時浸

久城轉隳壞戰士多死傷旦暮且陷檀道濟兼行救之

建等燒營及器械而遁道濟至東陽糧盡不能追竺夔

以東陽城壞不可守移鎮不其城

魏書刁雍傳是時攻東陽平其北城三十

許步竺夔于城內鑿地道南下入澗水澗以爲退路雍

謂建曰此城已平宜時入攻不者走盡建懼傷兵士不

聽宋書索虜傳虜曰日分步騎常來逼城夔夜使殿中

將軍竺宗之參軍賈元龍等領百人于揚水口兩岸設

伏虜將阿伏斤領三百人晨渡揚水兩岸沈文秀傳東

伏發虜騎四迸殺傷數十人梟阿伏斤首

陽被圍三載外無援軍士卒爲之用命無離叛者日夜

戰鬪甲冑生蟻蝨五年爲虜所陷命左右取所持節虜

既入兵刃交至問曰青州刺史沈文秀何在文秀厲聲  
曰身是因執之

般陽

通典淄州淄川縣漢般陽縣

地形志作盤陽按般是水名不得爲盤字水經

注般水出般陽縣東南龍山俗亦謂之爲左阜水西入  
隴水隴北逕其縣西北流至萌水口魏書房法壽傳從  
弟崇吉在升城爲慕容白曜所攻破母妻沒于白曜軍  
崇吉以母妻見獲託法壽爲計法壽既不欲南行恨道  
固逼切又疑崇吉情理時道固冀州刺史以兼治中房  
靈賓戍盤陽法壽遂與崇吉潛謀襲靈賓克之仍歸欵

于白曜以贖母妻白曜遣將軍長孫觀等自太山南入

馬耳關以赴盤陽還崇吉母妻

宋書沈文秀傳王玄默據琅邪王玄邁據盤陽

城劉乘民據濟城並起義

後漢書疏證卷十八